



31. januar 2022

Aqqalu C.Jerimiassen

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

1. Naalackersuisut ukiuunerani Kangaatsiamut pajuttuisarnermut Niaqornaarsuk aamma ilanngunneqartalersinnaanerani pilersaaruteqarpat?

a. Taamaanngippat suut aporfiuppat?

b. Periarfissaappallu qanoq naleqassava?

(Inatsisartuni ilaasortaq Aqqalu C. Jerimiassen, Atassut)

Tungavilersuut

Siorna umiarsuaq pajuttoq kingullermik 9. december Niaqornaarsummut pajussimavoq. Taamaattorli Kangaatsiamut pajuttuisarneq ingerlaannarluni, naak Niaqornaarsuk 30km-iinnarmik qanitsigigaluartoq sarfartuummallu sikuneq ajorluni.

Niaqornaarsummi niuernikkut periarfissat amerlapput, fabrikkeqarpoq, nunaqarfiillu eqqaaniittut aalisakkanik puisillu amiinik tunisiartortarlutik. Ajoraluartumilli ukiuunerani umiarsuamik pajuttuisarneq unittarpoq, Niaqornaarsummilu qerititsiviit ulikkaartoortarlutik tunisisoqarsinnaajunnaartarluni.

Taamaattumik Naalackersuisut apererusuppagut Niaqornaarsummut ukiukkut pajuttuisoqarsinnaalernissaanik pilersaaruteqartoqarnersoq.